



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

De Guilielmo Wright. n. 10.

urn:nbn:de:hbz:466:1-38320

facere: Non placet: Frequentes interim me aduent Pseudo-Euangelij Ministri: Nullum enim doctrinâ insignem præteribant parentes quem ad me non adducerent; Dominus dedit os & sapientiam, quibus & opponentium rationibus, & audientium expectationi videbar fecisse satis.) Hæc ille ad *Claudium*. Tum exul primum, deinde redux in Angliam post annorum aliquot labores Professus quatuor votorum duodecimo Maij anni sexcentesimi vigesimi secundi, non diu superfuit.

X. Eo fere tempore quo hic in exilium pulsus alias sedes quærere iussus est; *Guilielmus VVright* Anglicanæ Missioni additus est ex Germania Superiore. Natus Eboraci, & artibus quibus liberales doctrinæ continentur instructus, Auunculi Sacerdotis operâ Rhemos transmiffus, aliquanto post tempore Romanam profectus, in Societatem cooptatus est, octauo Decembris, año seculi quingentesimi octogesimo primo: Dum peracto Tyrocinio humanioribus repetendis, & Logicæ deinde inchoandæ admouetur, incommodâ vltus valetudine, mittitur Viennam Austriæ. Isthic feliciter confectis studijs, bis Philolophos explicuit, ac tertio Græcij Stiriorum; Tum etiam Theologos totidem fere per annos: Vtrobique Sodalitati Beatæ Virginis Annuntiatæ dirigendæ Præfectus, Ferdinandum secundum frequentem habuit auditorem, qui in omni vita beneficij memor non minus absentem per literas coluit quàm præsentem perorantemque coluerat. Doctor Theologiæ renuntiatus, & quatuor nuncupatis votis, anno sexcentesimo secundo Alphonso Carillo earum Regionum Prouinciali iunctus est socius. Sed cum sublatis dispersisque per temporum iniquitatem viris in nostra Missiõne claris, vndique conquirerentur qui eorum locum cum dignitate implerent, *Personius* literis *Claudij* Generalis munitus, *Guilielmum* ab extetis ad domesticos labores auocat, & in Angliam destinat. Vix octo menses consuētis nostrorum occupationibus impenderat, iudicio nescio quo proditus capitur, & in Arcem Londini compingitur. Re intellecta, Salisburius Comes Præfecto Arcis renuntiat non esse hunc hominem qui se regni Reipublicæ rationibus misceat aut eo loco tenendum; mitteretur potius ad Episcopum, Doctum uel quempiam cum quo de Religione decerneret. Richardus Bancroftius per eos dies in Archiepiscopi Cantuariensis iura intrauerat, (vir austerus & rigidus) hic post breuem de Religione sermonem, ducendum tradit ad Album-Leonem cum mandato vt ne cuiquam ad eum pateat aditus. "Id mirum est (inquit *VVrightus*) Ego enim à viginti iam annis familiariter versatus sum cum similis vobis seclæ hominibus, neque vlla vnquam intercessit offensio: Nunc in Patriam redux, ab omni arce commercio? Durum id quidem, sed si ita fieri necesse est, non repugno.) At viri comitas & existimatio doctrinæ pluribus aperuit aditum, non ad eius solius præfens, sed ad plurium solatium sempiternum. Eodem carcere tenebatur Pseudo-verbi-Seminator sed de concione postulatus pronuntiat contra Ministros coniugatos; Hic fidelem se obtulit & præstitit interpretē, siue literæ essent vltro citroque; mittendæ, siue quidpiã aliud amicis significandum.

Guilielm.
wright ex
Germaniã
in Angliam
traijcit.

Capitur, &
Ministros
duos con-
uertit.

1609.

Ita Deus in se sperantes nunquam destituit, & fidum interpretem præmio inexpectato donauit: Nam abdicatâ quam habebat Ecclesiasticâ possessione, Catholicis se adiunxit. Alter quicum ante captiuitatem fuerat ei consuetudo, vt intellexit teneri captiuum obtulit ei, si posset euadere, domum Catabrigiæ, in qua tuto lateret, & ad præsens subsidium florenos quinquaginta. *VVrightus* memor Religiosæ modestiæ recusatâ pecuniâ, & actis humanè gratijs, "De domo, inquit, ve vides prouidit Rex; si verò migrandum mihi sit extra Insulam non deerunt viginti in quibus humanissimè recipiar; tu cum vxore oneraris & liberis, & domum & pecuniam habes ad vltus vitæ magis necessariam; Neque deerit mihi argentum & aurum in Dei Prouidentia conquisicenti.) Valuit ea moderatio & frequentior de vera fide sermo ad hunc etiam deuiantem in rectam viam traducendum. Neque cum vlllo genere hominum libentius disceptabat quàm cum huiusmodi sciolis, qui vel experiundi causâ, vel suæ ostentandæ scientiæ accedebant; Cum enim non magno negotio quàm leuiter tincti, quamque essent impares ad propugnandum, refutandumque quod suscepissent ostenderet, vel ipsismet, vel certè assidentibus suadebat non tam faciliè credendum Magistris qui quæ tenerent tueri non possent.

Graslabatur per id tempus Londini pestilentia, à qua nec carcer immunis fuit; eo in discrimine cum lurdas Bancroftij aures frustra pulsasset postulans migrationem, ad ingenij artes conuersus, clauis effigiem quâ Carcer clauderetur conspirantibus pluribus in argilla vel cera adumbratam tradit noto aurifici ferro effingendam, & arte propitia elabatur, custode ex industria ad tabernam auocato. Inde procul Londino in Lecestrensem Prouinciã semigrans, illius residentiæ iecit fundamenta, rexitque per annos duodecim, magna cum animi moderatione; nec interim à laboribus, solitissimæ Societatis Ministerijs cessauit, docendo, exhortando, confirmando Catholicos, heterodoxos quâ verbo, quâ libris scriptis refellendo. Multos sane mouit admiratio videre hominem extrema penè ætate, plurimæque literaturæ, qui in celeberrimis Academijs Philosophos Theologosque explicarat, ad Abecedarios pueros, & infima Rudimenta descendere, in his totos dies versari, hæc sedulo docere; id quod non libenter solum sed cum voluptate quadam & hilaritate faciebat: Denique eo in munere consenuit: Nam famulum qui postremis ætatis illi ministrabat, rudem & impolitum, rudimentis imbuit Latinæ linguæ, & id muneris non nisi cum vita deposuit. Decennio prius quàm è viuus discederet Asthmate tactus, (quod pulmonum vitio, & pituitæ grauedine in Orthopnoiam degenerauit cum perpetuo vitæ periculo) palæstram habuit virtutis amplissimam, Medicis affirmantibus subitanea morte in Asthmatis paroxismo extinguendum. Sed effecit vir solertissimus quâ quotidiano Missæ Sacrificio, quâ precum assiduitate, quâ sui inspectione, & mortis ipsâ memoriâ, vt nè mors illi subita aut improuisa accideret. Toto enim decennio inter acerbissimos quos patiebatur dolores, rarissimè Sacrosanctum Sacrificium; aut statas preces intermisit. Patientiæ vero argumenta fuere plane admiranda; etenim

etenim licet quotidie propemodum grauissimis accessibus urgeretur, vt præsertim 1659.
 terreret doloris acerbitas, non aequaliter solum constanterque ferebat, sed & lepore In ultimo morbo patientia & exercitia.
 aliquo condebat singuli, nihil ore frequentius versans quam, *Da patientiam Bone Iesu, & amorem; auge penam & dolorem: Deo gratias; infinities in infinitum, Deo gratias.* Accessit ad meritorum cumulum postremis mensibus calculi dolor, qui Religioſum hunc militem, multam sui victoriam, multis patientia, caritatis, fidei, aliarumque virtutum actionibus nobilem iustulit ad decimum octauum Ianuarij diem, Romanæ Petri Cathedræ Sacrum, (quam Cathedralam summo studio semper defenderat) sub decimam matutinam, postquam Canonicum Officium perſoluisset, Coronam Virgini Matri obrulisset, & Psalterium Iesu, Litanias, aliasque preces recitasset, solitam mentis serenitate nemini vicinæ mortis suspitionem faciens. Paranti se cuidam ad Missæ Sacrosanctam oblationem; *memento mei*, inquit, *ad altare*; Quæ fuerit illi ultima verba. Nam subito in deliquium incidens, Extremam vitione munitus placidissime obdormiuit, Anno seculi sexcentissimi trigesimo nono; ætatis septuagesimo nono, Societatis sexagesimo. Quoniam inter acerbissimos dolores mentem in vna re qualibet licet pia figere non dabatur, proposuit sibi quosdam quasi coronulas breuium aspirationum quas interdum noctuque; vel Latine, vel vulgari idiomate percurreret, & asperitatem cruciatuum mitigaret; Quarum exemplar hic adscribere non erit inutile. Loco orationis Dominicæ, Verbi gratia, recitabat Gloria Patri, & Filio & Spiritui Sancto, Sicut erat &c. Tum.

Pater de Cœlis Deus, Misere nobis. Decies.
 Fili Redemptor mundi Deus, Misere nobis. Decies.
 Spiritus Sancte Deus, Misere nobis. Decies.
 Sancta Trinitas vnus Deus, Misere nobis. Decies,
 Sancta Maria Mater Dei, ora pro nobis. Decies.

Repetito ad singulas decades Gloria Patri.

Eodem modo distribuatur in Classes Angelos omnes & Sanctos:

Incipiendo à Beatissima Virgine.

Sancta Maria Mater Dei, ora pro nobis peccatoribus nunc & in hora mortis nostræ. Amen,

Omnes Sancti Angeli intercedite pro nobis. Decies.

Omnes Sancti Archangeli. &c.

Omnes Sancti Principatus, &c.

Omnes Sanctæ Potestates, &c.

Omnes Sanctæ Virtutes, &c.

Tum de reliquis aliam. Omnes SS. Dominationes, omnes Sancti Throni;

Omnes Sancti Cherubini: Omnes Sancti Seraphini: Omnes Sancti Spirituum ordines. &c.

Aliam deinde Patriarchis & Prophetis & cæteris per ordinem Litaniarum Sanctis.

Zz,

Modò